

# STJÓRNARTÍÐINDI B 105 – 1999

Nr. 771

2086

10. nóvember 1999

## SAMÞYKKT

fyrir sorphirðu í Sveitarfélaginu Skagafirði.

### I. Almenn ákvæði.

1. gr.

Sveitarfélagið Skagafjörður annast sorphirðu (þ.e. sorphreinsun og sorpeyðingu) frá öllu íbúðarhúsnæði í sveitarfélaginu og sorpeyðingu frá atvinnuhúsnæði.

Heilbrigðisnefnd Norðurlandssvæðis vestra, samkvæmt 4. tölul. 2. mgr. 11. gr. laga nr. 7/1998 um hollustuhætti og mengunarvarnir, hefur eftirlit með sorphirðunni og að farið sé að samþykkt þessari.

Sveitarstjórn er heimilt að fela öðrum framkvæmd sorphirðu. Þeir aðilar skulu hafa starfsleyfi heilbrigðisnefndar eða Hollustuverndar ríkisins eftir því sem við á.

2. gr.

Sorphirða og eyðing skal framkvæmd undir yfirstjórn tæknideildar sveitarfélagsins og skal hún sjá um samskipti við þá aðila, sem að því koma, s.s. vegna móttöku spilliefna, meðferðar landbúnaðarplasts og brotajárnsfirðu.

3. gr.

Sérhverjum húsráðanda er skylt að nota þau ílát og þær aðferðir sem sveitarstjórn ákveður. Sorpgeymslur og gámasvæði skulu vera aðgengileg.

Húsráðendur skulu halda flátum hreinum og hreinsa snjó frá sorpgeymslum á vetrum og halda ávallt greiðfærri leið að þeim.

4. gr.

Óheimilt er að láta garðaúrgang, jarðefni eða grjót og brotajárn í sorplát og gáma. Jarðvegsefnum, þ.m.t. grjóti eða múrbroti, skal komið fyrir á sérmerkta losunarstaði. Spilliefnum og hættulegum úrgangi skal skilað í móttökustöð.

5. gr.

Gámar, sem almenningur á aðgang að, skulu staðsettir á aðgengilegum stöðum.

Húsráðandi getur beðið um að ílátum sé fjölgað og greiðir þá aukagjald sem af fjölgun hlýst, en fjöldi íláta skal ekki svo takmarkaður að þau yfirfyllist.

6. gr.

Sveitarstjórn ákveður, að fengnum tillögum tæknideildar sveitarfélaga og framkvæmda-aðila sorphirðu, tíðni sorphreinsunar. Er gert ráð fyrir að tíðni sorphreinsunar verði að jafnaði vikulega og aldrei sjaldnar en á 14 daga fresti. Ákvörðun um tíðni skal tilkynnt íbúum og fyrirtækjum sveitarfélagsins, svo og ef um breytingar er að ræða, með hæfilegum fyrirvara.

### II. Sorphirðugjald.

7. gr.

Sveitarstjórn er heimilt að setja gjaldskrá að fenginni umsögn heilbrigðisnefndar til að standa undir kostnaði við sorphirðu. Gjöld mega aldrei vera hærri en nemur rökstuddum

kostnaði við veitta þjónustu og framkvæmd eftirlits með einstökum þáttum. Sveitarfélagið skal láta birta gjaldskrána í B-deild Stjórnartíðinda.

### III. Ýmis ákvæði.

8. gr.

Hafi húsráðandi fram að færa kvörtun vegna sorphirðu skal hann koma slíkri kvörtun á framfæri til framkvæmdaaðila verksins.

9. gr.

Með brot á samþykkt þessari skal farið samkvæmt ákvæðum laga um hollustuhætti og mengunarvarnir nr. 7/1998.

10. gr.

Samþykkt þessi er sett samkvæmt ákvæðum 25. gr. laga um hollustuhætti og mengunarvarnir nr. 7/1998, með síðari breytingum, og staðfestist hér með til þess að öðlast þegar gildi.

*Umhverfissráðuneytinu, 10. nóvember 1999.*

F. h. r.

**Ingimar Sigurðsson.**

*Sigurbjörg Sæmundsdóttir.*

## SAMÞYKKT

### um hundahald í Árborg.

1. gr.

Hundahald er bannað í sveitarfélaginu Árborg að undanteknum þarfahundum á lög-  
býlum og hundum sem notaðir eru til leitar og björgunarstarfa, svo og aðstoðarhundum  
blindra og fatlaðra.

2. gr.

Bæjarstjórn er þrátt fyrir ákvæði 1. gr. heimilt að veita lögráða einstaklingum sem  
lögheimili eiga í sveitarfélaginu undanþágu til hundahalds með eftirfarandi skilyrðum:

- a) Hundurinn skal skráður á skrifstofu áhaldahúss á Selfossi eða á þjónustuskrifstofunum  
á Eyrarbakka og Stokkseyri, og þar fær eigandi hundsins afhenta númeraða plötu sem  
jafnan skal vera í ól um háls hundsins.
- b) Árlega skal bæjarsjóði greitt leyfisgjald fyrir þá hunda, sem undanþágan er veitt fyrir.  
Gjaldið skal greitt samkvæmt gjaldskrá sem sveitarfélagið setur, að fenginni umsögn  
heilbrigðisnefndar. Við ákvörðun gjaldsins skal tekið mið af þeim kostnaði, sem leiðir  
af framkvæmd þessarar samþykktar. Gjöld mega aldrei vera hærri en sem nemur  
rökstuddum kostnaði við veitta þjónustu eða framkvæmd eftirlitsins með einstökum  
þáttum. Sveitarfélagið skal láta birta gjaldskrána í B-deild Stjórnartíðinda. Gjaldið  
skal í fyrsta sinn greitt við skráningu hunds og síðan árlega fyrirfram 20. febrúar ár  
hvert. Í gjaldskrá skal einnig ákveðið handsömunargjald sbr. 2. gr. f-lið. Hundar sem  
notaðir eru við búrekstur á lögbylum eru undanþegnir þessu gjaldi, svo og hundar sem  
notaðir eru til leitar og björgunarstarfa svo og hundar sem að læknisráði eru notaðir